

ժական պարծանաց լիշատակ են մեր նախնի կրօնաւոր և գրասէր սուրբ հարց:

Ողջոյն Ձեզ, Վարժապետք և Ուսուցիչք, Ձեզ յանձնեալ է ազգային կրթութիւն և դաստիարակութիւն մանկանց ի պէս պէս ուսմունս և գիտութիւնս, որոյ նպատակն է միայն վարել և տանել զմարդիկ ի լաւագոյն կեանս, ոչ միայն ի բարեբաստիկ վիճակըս աշխարհի, այլ և ի Վերին Քրիստոսի արքայութիւն:

Ողջոյն Ձեզ, Խմբագիրք հայոց, որ ճգնիք անդադար յաշխատութիւնս և իբրեւ հրապարակախօս մունեատիկ, գրով և թղթով վարէք զժողովուրդն ի յառաջագիմութիւն և քաղաքակրթութիւն՝ բանալով զմիտս նոցա ընդունել զլաւն և խորշել ի վատէն: Զգո՛յշ զգո՛յշ, ջանացէք միշտ ի շինել, զի այս է ձեր սեպուհ պարտիք:

Ողջոյն Ձեզ, յօրինիչ Մատենագիրք և Թարգմանիչք գրոց ի գանազան լեզուաց հեղինակութեանց, զորս օգտակար համարիք բարոյական կրթութեան և ձեռնառու արուեստին գիտութեան:

Ողջոյն Ձեզ, բարերար Մեկենասք, որ քաջալերելով զգրասէր աշխատաւոր մշակն՝ ի լոյս հանէք զնորա վաստակն և ընծայէք ազգին, որով ճոխանան և հարստանան աղքատիկ մատենադարանք Հայոց:

Ողջոյն Ձեզ, նախանձաւորք Սուրբ Կրօնի, եկեղեցասէր, ժողովրդասէր բարեպաշտ Ոգիք, որ շինէք զեկեղեցիս և զգպրանոցս, հաստատելով և պահելով կրօնի և ուսման տաճարս, որով լուսաւորին որդիք եկեղեցւոյ և ժողովուրդն յորդորի յԱստուածպաշտութիւն, որ՝ քան զամենայն ինչ զօրաւոր է:

Ողջոյն Ձեզ, Ուսանող մանկունք և օրիորդք, եղբարք և քորք, որ ձեռն ի ձեռն տուեալ ի միասին երթալք և գայք ի կրթութեան տաճարն. բարեբաստիկ և երջանիկ էք, եթէ հաւասար կրթութեամբ պատահեալ միմեանց ձեռն տայք յաւուր պստկադրութեան Ձերոյ ի սուրբ ամուսնութիւն:

Ողջոյն Ձեզ, Մայրաքաղաքացիք և գաւառական քաղաքացիք, որ պարապիք ի ձեռակելտ արուեստս և ի շահավաճառութիւնս, որ աշխատիք յառաջ վարել զգործս Ձեր իմաստուն տնտեսութեամբ և ճարտարագիտութեամբ, միշտ մրցելով և զարգանալով ըստ պահանջման ժամանակին: